



Allakkiaq Notat

2018-imi nunatsinni naartuersittut

Ulloq/Brevdato: 10-05-2019
Suliap/Sags nr. 2019 - 11024
All/Dok. nr. 10670508

Eqikkaaneq:

2018-imi naartuersittut amerleqqissimapput maannalu ernisunit amerlaneroqalutik. Arnat 1.000-iugaangata naartuersittut ukiuni kingullerni arfinilinni amerliartuaarusaarput. Piffissami tamatumani nakorsaat atorlugu naartuiineq. Nunarsuaq tamaat isigalugu nunatsinni naartuersittartut amerlaqaat.

Postboks 120
3900 Nuuk
Tlf. (+299) 34 51 92
Fax (+299) 32 51 30
E-mail: nun@nanoq.gl
www.nanoq.gl

Naartuersittut ukiup sisamanut aggorneri tamaasa Nunatsinni Nakorsaaneqarfimmuut nalunaarutigineqartarput. 2018-imi naartuersittut tamarmik nalunaarutigineqarnissaasa qulakkearniarneqarsimanera kisitsisinut sunniuteqarsimasinnaavoq.

Naartuersittut ukiut kingullit qulit ingerlanerini amerlassutsimikkut nikaralaarput (takussutissiaq 1). naartuersittut katillutik 931-iullutik 2017-imi 883-isunit amerlanerunerat, kisitsisit nutaanerpaat 2018-imeersut takutippaat. Pingaartumik 30-it 49-illu akornanni ukiulinni qaffaatip annertunerunera takussutissiami takutinneqarpoq.

Ataatsimut isigalugit naartuersittut agguaqatigiissillugit 2009-imiit amerliartorusaarput (takussutissiaq 2). 2018-imi naartuersittut agguaqatigiissillugit amerlassusaat, arnat 15-it 49-illu akornanni ukiullit 1000-iugaangata 71,8 -pput, tassalu arnat 15-iniit 49-inut ukiullit akornanni arnat 14-iugaangata ataatsip missaaniittut naartuersissimanerannik tamanna isumaqarpoq. Assersuutitut 2009-mi naartuersittut 18-iugaangata ataatsip missaaniittut naartuersittarsimapput. 2009-miit 2018-imut naartuersittut agguaqatigiissillugit amerlassusaat takussutissiami 2-mi takuneqarsinnaavoq, 2014-imiilli 2018-imut naartuersittartut agguaqatigiissillugit amerlassusaat tabelimi 1-imi takuneqarsinnaavoq. 2018-imissaq naartuersittut 18-iniit 19-inut 20-iniillu 24-inut ukiullit akornanniittut agguaqatigiissillugit amerlanerpaapput (tabeli 1). Tamanna titartaganngorlutaaq takussutissiissutaavoq (takussutissiaq 3).

Naartuersittut amerlassusaasa peqqinnissaqarfiup immikkoortuinut agguataarneqarnerat tabelimi 2-mi takutinneqarpoq. Sulisoqarniarneq tunngavigalugu Peqqinnissaqarfiup immikkoortuisa ilaanni naartuersinnerit ilaatigut immikkoortumi allami ingerlanneqartariaqartarnerat, immikkoortumi naartuersittartut agguaqatigiissillugit amerlassusaannut sunniuteqarsinnaavoq. Tamatuma saniatigut ukiuni kingullerni suliaritinnani nakorsaalli atorlugu naartuersissinnaaneq periarfissaasimavoq, tamanna peqqissaavinni minnerni naartuersittartut amerleqqinnerannut sunniuteqarsimasinnaavoq. Ullumikkut nunatsinni naartuisarnerit amerlanerpaat nakorsaat atorlugu ingerlanneqartarput.

Naartunermi sap. ak. killiffik aallaavigalugu naartuersittunut agguataarineq tabelimi 3-mi takutinneqarpoq. Naartuersittut amerlanersaat 2018-imi siuliinisut naartulernermit sap. ak. arfineq aappassaanni (22 %) arfineq pingajussaannilu (26 %) naartuersipput. Assersuutitut 2009-mi naartuersittut amerlanersaat naartulernermit sap.ak. arfineq pingajussaanni (28 %) qulaaluassaannilu (19 %) naartuersipput. 2009-mi 2018-imilu naartuersittut nalunaarutigisat agguataarneqarnerisa nikingassutaat takussutissiami 4-mi aamma takuneqarsinnaavoq. Allanguutaasoq ilaatigut nakorsaat atorlugu naartuersittarnermut ikaarsaarnermik nassuiarneqarsinnaassaaq.


2018-imi 2009-milu naartuersittut nalunaarutigisat akornanni 2018-imi 0,4% 2009-milu 1,9% naartulernermit sap. ak. qassissaanni naartuersissimanagerat nalunaarutigineqarsimangilaq. Sap. ak. qassissaanni naartuersittut nalunaarutigineqanngitsut akornanni siusissukkut kingusissukkulluunniit naartuiisoqarsimasinnaaneraniq ilimatsannissaq tunngavissaqanngilaq.

2009-miit 2018-imut sap. ak. 13-issaanni kingusinneruskullu naartuersittut nalunaarutigineqartut akornanni 2011-imi ikinnerpaajullutik 0,8 %-iupput 2016-imi 2018-imilu amerlanerpaajullutik 2016-imi 2,8%-iupput 2018-imilu 2,4 %-iullutik.


Ukiuni kingulliinerusuni naartulernermit sap. ak. qassinngornerat apeqqutaatinnagu naartuersittut tamakkerlugit nalunaarutigineqarnissaat qitiutinneqarmat, tamanna paasissutissanut sunniuteqarsimasinnaavoq.

Sap. ak. aqqaneq aappasaa qaangiutereersoq naartuersinnerit, nakorsamit inunnillu isumaginnittoqarfimmit paasissutissanik, isumasioqatigiinnermit inunnit pingasunit taakkunannga peqqinnissamut tunngatillugu ilinniagalinnit marlunnit inunnillu isumaginninnermut tunngatillugu ilinniagalimmit ataatsimit peqataaffigineqartumit tunngaveqartumik akuersissutaanissamik, piumasaqaatitaqarput. Tamanna naartuersittarneq pillugu inatsit ilaatigut uani atuarneqarsinnaasoq: www.nun.gl naapertorlugu maleruagassanik tunngaveqarpoq.

Tabelit titartagangorlugillu takussutissiat



Takussutissiaq 1. Naartuersittut nalunaarutigisat amerlassusaat ukiuinullu agguataarneqarnerat




Takussutissiaq 2. Arnat 15-iniit 49-inut ukiullit 1.000-iugaangata naartuersittut tamakkerlutik amerlassusaat

Tabeli 1.
Naartuersittartut nalunaarutigineqartut amerlassusaat taakkulu ukioqatigiinnut agguataarneqarnerat

| Ukioqatigiit | Amerlassusaat | | | | | Arnat ukioqatigiit 1.000-iugaangata amerlassusaat | | | | |
|--------------|---------------|------|------|------|------|---|-------|-------|-------|-------|
| | 2014 | 2015 | 2016 | 2017 | 2018 | 2014 | 2015 | 2016 | 2017 | 2018 |
| 12-13 ár | 2 | 0 | 0 | 0 | 0 | 2,5 | 0,0 | 0,0 | 0,0 | 0,0 |
| 14-15 ár | 28 | 21 | 24 | 25 | 20 | 35,0 | 26,8 | 31,2 | 30,8 | 27,0 |
| 16-17 ár | 75 | 72 | 66 | 57 | 64 | 96,4 | 94,7 | 94,8 | 84,1 | 98,0 |
| 18-19 ár | 99 | 98 | 116 | 103 | 86 | 112,2 | 116,3 | 135,7 | 126,7 | 111,4 |
| 20-24 ár | 271 | 250 | 241 | 280 | 260 | 120,7 | 113,8 | 114,0 | 133,3 | 125,5 |
| 25-29 ár | 196 | 221 | 218 | 214 | 244 | 93,2 | 101,7 | 98,2 | 95,7 | 105,5 |
| 30-34 ár | 116 | 136 | 115 | 118 | 156 | 61,0 | 70,3 | 58,4 | 60,0 | 77,9 |
| 35-39 ár | 51 | 50 | 60 | 61 | 78 | 35,5 | 33,7 | 39,0 | 37,0 | 45,4 |
| 40-44 ár | 21 | 15 | 14 | 24 | 23 | 13,2 | 10,5 | 10,2 | 17,9 | 17,4 |
| 45-49 ár | 1 | 1 | 1 | 1 | 0 | 0,4 | 0,4 | 0,5 | 0,5 | 0,0 |
| Katillugit | 860 | 864 | 855 | 883 | 931 | 62,2 | 63,8 | 64,4 | 67,5 | 71,8 |

* 15-íniit-49-ínik ukiullit



Takussutissiaq 3

Tabeli 2.**Naartuersittut nalunaarutigineqartut taakkulu amerlassusaasa sinerissami qitiusumik napparsimmavinnut/peqqissaavinnut agguataarneqarnerat**


| Qitiusumik napparsimmavik /peqqissaavik | Amerlassusaat | | Amerlassusaat* | | Qitiusumik napparsimmavik /peqqissaavik | Amerlassusaat | | Amerlassusaat* | |
|---|---------------|------|----------------|------|---|---------------|------|----------------|-------|
| | 2017 | 2018 | 2017 | 2018 | | 2017 | 2018 | 2017 | 2018 |
| Nanortalik | 17 | 18 | 50,1 | 56,4 | Ilulissat | 89 | 80 | 76,0 | 69,9 |
| Qaqortoq | 94 | 75 | 123,5 | 98,0 | Qeqertarsuaq | 0 | 0 | 0,0 | 0,0 |
| Narsaq | 21 | 13 | 64,2 | 41,3 | Uummannaq | 12 | 11 | 23,4 | 21,6 |
| Paamiut | 34 | 24 | 113,7 | 87,6 | Upernavik | 45 | 39 | 70,9 | 62,4 |
| Nuuk | 298 | 336 | 66,2 | 74,3 | Qaanaaq | 10 | 20 | 64,9 | 133,3 |
| Maniitsoq | 51 | 48 | 79,6 | 75,8 | Tasiilaq | 35 | 43 | 50,5 | 63,0 |
| Sisimiut | 96 | 115 | 65,9 | 80,6 | Ittoqqortoormiit | 6 | 3 | 75,0 | 37,5 |
| Aasiaat | 75 | 104 | 70,6 | 98,8 | Katillugit | 883 | 931 | 67,5 | 71,8 |
| Qasigiannuit | 0 | 2 | 0,0 | 7,8 | | | | | |

* Arnat 15-iniit 49-inut ukiullit 1.000-iugaangata amerlassusaat.

Tabeli 3.**Naartuersittut nalunaarutigineqartut amerlassusaat sap. ak. naartuffiinnut ukiunullu agguataaneqarnerat**

| Sap.ak.\Ukioq | 2009 | 2010 | 2011 | 2012 | 2013 | 2014 | 2015 | 2016 | 2017 | 2018 |
|---------------|------|------|------|------|------|------|------|------|------|------|
| 1 | 0 | 0 | 0 | 0 | 1 | 0 | 0 | 0 | 0 | 0 |
| 2 | 1 | 3 | 0 | 0 | 0 | 0 | 0 | 1 | 1 | 0 |
| 3 | 0 | 0 | 0 | 0 | 0 | 1 | 0 | 1 | 0 | 1 |
| 4 | 5 | 1 | 1 | 1 | 1 | 4 | 2 | 4 | 4 | 5 |
| 5 | 24 | 20 | 16 | 22 | 8 | 17 | 16 | 36 | 33 | 27 |
| 6 | 55 | 76 | 64 | 53 | 58 | 62 | 81 | 108 | 119 | 102 |
| 7 | 133 | 153 | 133 | 124 | 188 | 183 | 150 | 204 | 222 | 205 |
| 8 | 223 | 233 | 198 | 222 | 229 | 225 | 230 | 206 | 205 | 243 |
| 9 | 150 | 155 | 148 | 159 | 154 | 144 | 158 | 123 | 132 | 155 |
| 10 | 103 | 119 | 94 | 107 | 84 | 101 | 126 | 75 | 81 | 94 |
| 11 | 63 | 47 | 47 | 55 | 70 | 65 | 69 | 46 | 49 | 54 |
| 12 | 19 | 20 | 26 | 18 | 25 | 27 | 23 | 26 | 20 | 19 |
| 13 | 2 | 3 | 0 | 2 | 3 | 6 | 3 | 11 | 6 | 7 |
| 14 | 3 | 1 | 2 | 3 | 7 | 3 | 1 | 6 | 6 | 4 |
| 15 | 1 | 4 | 1 | 0 | 0 | 2 | 4 | 2 | 2 | 3 |
| 16 | 2 | 1 | 2 | 1 | 0 | 1 | 0 | 3 | 1 | 1 |
| 17 | 0 | 1 | 0 | 1 | 0 | 1 | 0 | 0 | 0 | 3 |
| 18 | 0 | 0 | 1 | 1 | 0 | 0 | 0 | 2 | 0 | 3 |
| 19 | 0 | 0 | 0 | 1 | 0 | 0 | 0 | 0 | 1 | 0 |
| 20 | 0 | 0 | 0 | 0 | 1 | 0 | 0 | 0 | 0 | 1 |
| Katillugit | 784 | 837 | 733 | 770 | 829 | 842 | 863 | 854 | 882 | 927 |

Nassuiaat: Tabelimi matumani katinneri ukiuni ataasiakkaani naartuersittunut tamanut sanilliullugit Sap.ak. naartuffiit nikerartitsisoralugit paasissutissat amigaataanerat pissutaalluni assigiinngissuteqarsinnaapput



Takussutissiaq 4. 2009-miit 2018-imut naartuersittuni naartulernermit sap. ak. nalunaarutigineqartut agguataarneqarnerat